

Date – 16/05/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Chief Minister Pu Lalduhoma'n Sawhthing chu ram leilung tichhe tam lo zawng leh a hralhna lama a lo hlawkpui zawk theih nan Organic uar a tul tih a sawi.
2. Speaker Pu Lalbiakzama'n 'Hmar Pasaltha Ni' puala The 19th State Level Hmar Footbal Trophy final match Saikawt Playground, Churanchandpur-a neih a hmanpui.
3. Prime Minister Narendra Modia chuan vawiin chawhnu khan Dutch Prime Minister Robb jetten leh Netherland lalte a kawm.
4. Indian Army Chief General Upendra Dwivedi Pakistan-in firfiakte a ramchhunga a inkulh tir leh India laka pawl an khawih chu bansan turin a a ti.

<><><>

CM

Chief Minister Pu Lalduhoma chuan Sawhthing chu ram leilung tichhe tam lo zawng leh a hralhna lama kan lo hlawkzawkwk theih nan Organic uar a tul tih a sawi.

Pu Lalduhoma hian vawiin khan Samthang Community Hall-ah khawtlang mipuite buatsaih Sawhthing Kut a hmanpui a. Chief Minister chuan, Sawhthing hi ram leilung tichhe tam lo zawng leh a hralhna lama a lo hlawkpui zawk theih nan Organic kan uar a tul a. A processing kan kalpui a tul bawkwk a. Kan inbuatsaih chho zel, a ti.

Chief Minister chuan Sawhthing market a that tial tial theih nan sawhthing hrisel thar a ngai tih a sawi a, Mizoram leilung a tihchhiat nasat loh nan sustainable cultivation kalpui a ngai tih sawiin chumi lam hawi zawnga kal hret hret a, engtikah emaw chuan Organic state-a inpuan kan duh a ni, a ti. A pulunga hralh ringawt hian bo thlau a tam thin a, a hlawkwk tawkwk lo va. A sawngbawlina hi hmun hrang hrangah neih chhoh zel an tum, a ti bawkwk.

Samthangah hian chhungkua 230 vel a cheng mek a, a tam zawkwk hian lo neiin ei an zawng a, Sawhthing bakah Fur Zikhlum an ching nasa bawkwk a ni.

<><><>

SPEAKER

Vawiin khan Mizoram Legislative Assembly Speaker Pu Lalbiakzama'n 'Hmar Pasaltha Ni' The 36th Hmar Martyrs Day puala The 19th State Level Hmar Football Trophy final match Saikawt Playground, Churanchandpur-a neih a hmanpui.

He hunah hian thusawiin, Hmar hnam chu Mizo Sutpui an nihna hrerenga Mizo inpumkhatna atana a hnar kaitu ni zel tura a beisei tih a sawi a, chu beiseina chu a tihlawhtlingtu ni zel turin a chah a ni. Mizoram sawrkar chuan thlauh then nei tawh lo in HPCD te nen inremna tluangtling an nei ta a, Mizoramah ralthuam kenga rammu an awm tawh lo tiin, Hel awm tawh lohna ram leh hnam nih hlutna hi an hre deuh deuh dawn a, he inremna hian nasa zawkin ram mipuiah inlungualna a pe a. Lungualna chu ram leh hnam hmasawanna tura rahbi hmasa a nih avangin he inremna tluangtling hi hnam chanchinah hriat reng a hlawh tawh dawn tih a sawi a ni.

Pu Lalbiakzama chuan Manipur-ah Zofa-te leh hnam dang inkarah chi leh chi buaina nasa tak an tawrh mek ah, pawisawi lo nunna tam tak lak a ni a, thisen tam tak a luang a. He tawrhna hian khawvel ram tin a Zofa-te thinlung chu chem te a vih angin a chhun na a ni, a ti. Zofate zingah chi bil anga buaina leh harsatna thiat a, in ep lova hmathlir thui zawk neih a tul hle tih sawiin, Zoram daifem leh Zoram pawnah pawh inti hrang lo in Mizo ah inchhungkhawm vekin, Tawrhna avang chauh a insuihkhawm lo in, remna boruak hnuaiah pawh inunauna vawng reng zel ang turin mipui te a chah a ni.

<><><>

UNION MINISTER

Union Minister of State for Consumer Affairs, Food And Public Distribution Pi Nimuben Jayantibhai Bambhaniya chuan vawiin khan Chawngtlai khuaa Handloom Training Centre leh PMAY-G hnuaia insakte a tlawh.

Union Minister hi SHG member-te nen VC House-ah inkawmna hun an hmang a. Minister chuan Handloom Training Centre-a thawktute leh zirlaite nen inkawmin, an puan tah mawi tak takte chu zau zawka pholan theih ni se tha a tih thu a sawi a. PMAY-G hnuaia in sa zo tawh chhungkaw 2 tlawhin, sawrkar scheme hmang tangkaia in an din thei chu a lawmpui thu a sawi a ni.

VC House-ah Chawngtlai SHG member-te nen inkawmna hun an hmannaah Minister chuan mipuiin SHG thil siam chhuah (product) reng reng tha tura an rin theih nan thianghlim tak leh quality tha taka thil siam zel turin a chah a. Sawrkar laipui chuan hmeichhia, thalai, lo neitute leh mi harsa zawkte chawikanna leh tihhmasawn a ngaih pawimawhzia tarlangin, sawrkarin hmeichhiate tana scheme hrang hrang a siamte Khawzawl nuho pawhin hmang tangkai turin a fuih a. SHG thil siam chhuahte pawh zau zawka thehdarh dan leh man tha zawka an hralh theihna turte ngaihtuah a pawimawh thu a sawi.

<><><>

HEALTH MINISTER

Health Minister Pi Lalrinpuii chuan nimir khan Chhul Hmawr Cancer zirchiangtute a hmu a, chhul hmawr (cervical) cancer a an zirchianna leh hmalaknate an sawi ho.

Health Minister hian a Pisa-ah Christian Medical College Vellore leh SHE-CAN Project Mizoram hotute hi a kawm a, a zirchiangtute chuan chhul hmawr cancer chu mahni a in test theihna kit a awm thu sawiin Mamit khaw hrang hrang paliah zirchianna hi nei tawhin, hmeichhia kum 30 – 49 inkar te chu mahnia in test-na tura swab pek an ni a, an sample te chu ZMC&H Lab-ah test tura pek leh thin a ni. He zirchianna ah hian hmeichhia 500 chuang screen an ni a, chung zingah chuan natna lang chhuak lemlo Cancer intan thei tur dinhmuna ding mi engemawzat hmuhchhuah an ni a, enkawlna pawh pek nghal an nih thu an sawi. Tin, heng zingah hian mi 3 chu cancer tan tir (pre-cancer) an ni tih hmuhchhuah an ni a, Mizoram State Cancer Institute(MSCI), Zemabawkah enkawlna pek nghal an ni.

Health Minister chuan an zirchiannate chu a bengvarthlak a ti a, Mizoramah pawh cancer tam chhan zirchianna kalpui tum mek a nih thu a sawi a. He self-testing kit hi hmeichhe tam zawkin an hman tangkai ngei theih a duh thu a sawi bawka ni.

Self Collected HPV Evaluation for the prevention of Cervical CANcer Project Mizoram hi Dr Jeremy L. Pautu, Director, MSCI hnuaia kalpui a ni.



ADVISER TO CM

Adviser to CM Pu TBC Lalvenchhunga'n Chhingchhip a Sainik School zirlaite finna leh huaisenna nena an thil zir zir turin a fuih.

Vawiin khan Sawrkar laipui Minsitry of Defence hnuaia kalpui mek Sainik School Chhingchhip te chuan '10th Founder Day' hmangin he hun hi Advider to CM Pu TBC Lalvenchhunga chuan khualian ni a hmanpuiin, Central sawrkar School tha tak a zir mek Zirlai te chuan anmahni a finna leh huaisenna awm zawng zawng nen bei tur leh mahni inthununna vawng chung a tha taka zir chhuak theuh turin a fuih bakah, zirlai nu leh pa te pawh an fate tana theihtawp chhuahpui zel tura fuihin, tun CBSE Academics Session liam ta a Sainik School atanga Subject hrang hranga zirlai titha hnenah chawimawina a hlan nghal bawka ni.

Chhingchhip Sainik School '10th Founder Day' pual hian 'Arts and Crafts & Science Stream' lam hawi Exhibition buatsaih a ni bawka.



LAWNGTLAI ROAD INSPECTION

Lawngtlai Bawrsap Pu Donny Lalruatsanga leh LADC a Chief Executive ten nizan khan Lawngtlai khawpui chhunga zanlama Lirthei dahdan an enfiah.

LADC Sorkar chuan kawngpui dalin zankhuua lirthei dah a remti lova, hmalakna kalpui turin Veng tina Village Level Parking Management Committee din niin, an hmalakna te hi nizan khan Bawrsap leh CEM hian khawpui fangchhuakin an enfiah a, Bawrsap leh CEM hi Pu Lalropuia Chinzah Executive Member LADC

bakah State leh Council a Official pawimawh leh Chanchinchinbumiten an tawiawm.

Kawngpui dala Lirthei dah mumal hmuh tur a awm lova, veng tinah zan tin khawtlang hruaitutem kawngdal a lirthei dahte vaiin, dan zawmlote chu Council Sorkarin chawitur a bitruk zat an chawi tir thin a ni.



CENSUS AT VAIRENGTE

Census operation chhiarpui thawhkhatna (House listing and Housing) chu Vairengte khuaah zawhfel a ni.

Chhiarpui hi hmun dang ang bawkin April 15 atanga tan in May 15 khan zawhfel a ni a. Vairengte Civil SDO hnen atanga thu dawn danin, Vairengte khaw chung bikah Enumerators 14 leh Supervisor 2 te ruat niin heng te hian Vairengte khaw chhunga Village Council pa 4 te chan insem in an fang chhuak a ni.

Vairengte Town Area-ah hian In (house) chhiar theih a awm zawng zawng chu 3252 niin heng zinga 2359 te chu luahlai leh luahtu awm te niin, In 401 te chu luahtu awm lo in ruak a ni. Hei bakah hian Vairengte town area bika mihring awm chu 11488 an ni.

Vairengte civil SDO sawi danin chhiarpui neih naah hian harsat na em em nei lo in tluang takin zawhfel a ni.



KHAWZAWL TRAFFIC

Khawzawl Police te chuan lirthei khalhtu Dan bawhchhia an man pawisa chawitir nei lo te pawh intiamkamna an neihtir thin.

Khawzawl Police te hian nimin khan Traffic Rules zawm lova Dan bawhchhia lirthei khalhtu mi 5 an man te chuan pawisa chawi tur an neih loh avangin Police Thana-ah intiamna an neihtir a. He hunah hian OC Pi Lalnuntluangi SI chuan intiamna a neihpui bakah, Councelling Class neihpuiin khua leh tui nihnaah dan zawm a pawimawh thu leh a bik takin lirthei phei chu thil tangkai tak a nih rualin chetsual palh phei chuan nunna channa leh piansualna thlentua ni thei a, chuvangin fimkhur a, kan himna tura duan dan leh hrai te chu tunhnuah tha taka zawm zel tawh turin a chah a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



WEATHER

India Meteorological Department, Aizawl chuan vawiin hian Mizoram district pangaah thli leh ruah thawk thei a ni tih an sawi.

Akashvani News Aizawl zawhna chhangin IMD Aizawl Director Pu Sudheer Kumar Dwivedi chuan, vawiin hian Mamit, Aizawl leh Kolasib District-ah te thli leh ruah thawk thei niin a lang a ti a, Serchhip leh Champhai District-ah te pawh a thleng thei a ti bawk. District dangah erawh thlirlawk dan chuan thli leh ruah thawk thei tur angin a lang lo. Naktukah pawh Mamit, Kolasib leh Aizawl District-ah te thli leh ruah thawk thei a ni, a ti.

(Byte: IMD Aizawl Director Pu Sudheer Kumar Dwivedi)

IMD thlirlawk dan chuan, India ramah Monsoon lo thlen hun tur chu May ni 26 a nih a rinawm a, a hun thlirlawkna hi ni 4 velin a danglam thei bawk. Kum dangah chuan Monsoon hi Kerela-ah chuan June ni 1-ah a lo thleng thin a, kuminah erawh chuan June ni 6-ah a lo thlen theih hmel chauh a ni.

Fur a thleng chho mek a, thli leh ruah thawk thut thut thei reng a nih tawh avangin mitin te mahni awmna hmunah theuh fimkhur a, lei min leh thuing tlu awm theihna hmunah te fimkhur zual turin IMD chuan an chah bawk a ni.

<><><>

PM

Prime Minister Narendra Modia chuan vawiin chawhnu khan Dutch Prime Minister Robb jetten leh Netherland lal King Willem-Alexander leh Queen Maxima te a kawm a. Tun tuma Prime Minister Modia'n Netherlands a tlawh hi India leh EU ten zalen taka sumdawwna Free Trade Agreement an ziah avangin a pawimawh hle a ni. Prime Minister Modia hian nizan khan Netherlands a thleng a. Dutch Foreign Minister ten an lo hmuak a. Hei bakah hian India mi cheng engemawzatin ropui takin an lo hmuak a ni.

<><><>

ARMY GENERAL

Indian Army Chief General Upendra Dwivedi Pakistan-in firfiakte a ramchhunga a inkulh tir leh India laka pawl an khawih chu bansan turin a a ti. Vawiina New Delhi-a Sena Samvad ah he thu hi sawiin General Dwivedi chuan Pakistan-in hetiang a pawikhawih a chhonzawm zel chuan Pakistan chu khawvelah an la awm reng ang nge khawvel chanchin ata nuaibo an ni ang tih an ngaihtuah ang a ti.

<><><>